

七十二家集

江令君集序

江總持父紇為梁代純孝特躬  
歷數朝與波下上求忠臣於孝子  
之門豈其然乎杜子美詩云遠媿  
梁江總還家尚黑頭世儒謂子美  
豈不知江之關陳及隋乃系之為梁

謂是一字之誅余謂子美亂離未  
歸偶借揔持避亂還家而發事  
屬梁季故系之梁江揔耳揔持在  
梁原非要地國破崎嶇幸不為北人  
所擒久而入陳不足多過凡陳之纍  
纍進賢誰非梁彥子美單以為

摠誓耶獨摠於後主身都輔弼歡  
騰魚水而隋師之入無能捐軀為  
殉係籍關府至開皇十四年乃  
殂脆漏幾何不能為摠持解耳史  
又稱君臣昏亂目為摠罪余意猶  
復未爾彼以罷冶之才事婉戀之

主聲韻所鍾因相契洽尚未至魏  
收之狗闢柳詈之造像而長日精  
神盡耗之文義又非若他細人之  
招權而納賄也國小時危不能匡  
救諾々因人敗乃公事則誠有之大  
率揔持經濟既非所長道誼雅

無足采惟是素性和柔自媚於上  
至乃文心妍秀蔚彼墨莊未可  
以輕艷二字驟相抹殺輕艷不  
猶愈於陳腐哉

旃蒙赤奮若紹和張燮識于金陵

江令君集目錄

卷之一

賦

修心賦有序

辭行李賦

雲堂賦

貞女峽賦

勞酒賦

山水納枹賦有引

華貂賦有引

瑪瑙盆賦

南越木槿賦

樂府

雉子班

隴頭水二首

折楊柳

關山月

洛陽道二首



長安道

梅花落二首

紫騮馬

驄馬驅

雨雪曲

劉生

病婦行

置酒高殿上

今日樂相樂

簫史曲

詠燕燕于飛應詔

濟黃河

橫吹曲

怨詩二首

烏棲曲

東飛伯勞歌

雜曲三首

梅花落

宛轉歌

閨怨篇

又

姬人怨

姬人怨服散篇

長相思二首

卷之二

詩

秋日侍宴婁苑湖應詔

侍宴玄武觀

宴樂修堂應令

三日侍宴宣猷堂曲水

秋日遊昆明池

薛道衡秋日遊昆明池附

元行恭秋日遊昆明池附

秋日登廣州城南樓

贈洗馬袁朗別

詒孔中丞奐

贈賀左丞蕭舍人

遇長安使寄裴尚書

別南海賓化侯

庚寅年二月十二日遊虎丘山精舍

入龍丘巖精舍

明慶寺

入攝山棲霞寺

有序

陳後主同江僕射遊攝山棲霞寺附

遊攝山棲霞寺

有序

攝山棲霞寺山房夜坐簡徐祭酒周尚  
書并同遊群彥

徐孝克仰同令君攝山棲霞寺山房  
夜坐六韻附

靜卧棲霞寺房望徐祭酒

徐孝克仰和令君附

營涅槃懺還塗作

有序

至德二年十一月十二日升德施山齋

三宿決定罪福懺悔詩

詠採甘露應詔

借陸太常說文

賦得一日成三賦應令

攝山梁小廟

卞山楚廟

山庭春日

七夕

南還尋草市宅

和張記室源傷往

在陳旦解醒共哭顧舍人

侍宴臨芳殿

侍宴瑤泉殿

別袁昌州二首

經始興廣果寺題愷法師山房

和衡陽殿下高樓看妓

賦得空閨怨

并州羊腸坂

歲暮還宅



春夜山庭

夏日還山庭

賦得謁帝承明廬

賦得攜手上河梁應詔

賦得汎汎水中鳧

賦得三五明月滿

衡州九日

賦詠得琴

詠雙闕

三善殿夜望山燈

奉和東宮經故妃舊殿

同庾信答林法師

詠李

詠蟬

答王筠早朝守建陽門開

侍宴賦得起坐彈鳴琴

別永興侯

春日

於長安歸還揚州九月九日行薇山亭

賦韻

哭魯廣達

秋日新寵美人應令

新入姬人應令

內殿賦新詩

卷之三

詔

舉士詔

表

讓尚書令表

陳後主授江總尚書令問文附

讓尚書僕射表

讓吏部尚書表

爲沈君理讓僕射領吏部表

爲衡陽王讓吳郡表

爲蕭太保謝儀同表

謝勅給鼓吹表

爲陳六宮謝表

章

爲陳六宮謝章

啓

上毛龜啓

除尚書令斷表後啓

除尚書謝臺啓

謝宮爲制讓表啓

除太子詹事謝東宮啓

卷之四

序

自序

陶貞白先生集序

碑

皇太子太學講碑

吳興郡廬陵王德政碑

攝山棲霞寺碑

大莊嚴寺碑

建初寺瓊法師碑

明慶寺尚禪師碑銘

卷之五

頌

莊周頌

贊

香贊

花贊

燈贊

幡贊

銘

永陽王齋後山池銘

芳林園天淵池銘有序

玄圃石室銘

方鏡銘有引

鐘銘又

優填像銘

哀策文



陳宣帝哀策文

誄

梁故度支尚書陸君誄

墓誌銘

廣州刺史歐陽頎墓誌

特進光祿大夫徐孝穆墓銘

司農陳暄墓銘

中領軍魯廣達墓銘

侍中沈欽墓誌

文

群臣請陳武帝識文

附錄

江總傳

唐姚思廉

江總傳

唐李延壽

與詹事江總書

陳後主

檄陳尚書江總等文

隋煬帝

酬江總詩

梁劉之遴

同江詹事登宮城南樓

陳徐陵

遺事

江令君集卷之一

陳濟南江摠摠持著

明閩漳張燮紹和纂

賦

修心賦

有序

太清四年秋七月避地於會稽龍華寺此伽藍  
者余六世祖宋尚書右僕射州陵侯元嘉二十  
四年之所構也侯之王父晉護軍將軍彪昔涖  
此邦卜居山陰都陽里貽厥子孫有終焉之志

寺域則宅之舊基左江右湖而山背壑東西陵  
跨南北紆縈聊與苦節名僧同銷日月曉修經  
戒夕覽圖書寢處風雲馮棲水月不意華戎莫  
辨朝市傾淪以此傷情情可知矣啜泣濡翰豈  
攄鬱結庶後生君子憫余此槩焉

嘉南斗之分次肇東越之靈秘表憎風於韓什  
著鎮山於周紀蘊大禹之金書鐫暴秦之石字  
太史來而探穴鍾離去而開筭信竹箭之爲珍  
何碻碻之罕值奉盛德之鳴祀寓安禪之古寺

定豫章之舊園成黃金之勝地遂寂默之幽陰  
若鏡中而遠尋而曾阜之超忽適平湖之迥深  
山條偃蹇水葉浸淫挂猿朝落饑鼯夜唼果叢  
藥苑樾蹊橘林梢雲拂日結暗生陰保自然之  
雅趣鄙人間之荒雜望島嶼之迴迴面江源之  
重沓汎流月之夜迴曳光煙之曉匝風引蜩而  
嘶噪雨鳴林而脩颯鳥稍狎而知來雲無情而  
自合爾乃埜開靈塔地築禪居喜園超邁樂樹  
扶疎經行藉草宴坐臨渠持戒振錫度影甘蔬

堅固之林可踰寂滅之場慙如異曲終而悲起  
非木落而愁始豈降志而辱身不露才而揚已  
鍾風雨之掩藹倦鷄鳴之聒耳幸避地而高棲  
馮調御之遺旨折四辨之微言悟三乘之妙理  
遣十纏之繫縛祛五惑之塵滓久遺榮於勢利  
庶忘累於憂子感意氣於疇昔寄知音於來祀  
何遠客之可悲私自憐其何已

辭行李賦

維大梁三十有六載神功懋乎開闢垂恩儲祉  
懋子代之盤盂威德形容陋周年之弁石月窟  
向風日域仰澤要荒欵塞諸戎重譯輜軒巡履  
聲芳亥步旌節經過事高禹跡舉皇華之盡美  
馳珥玉之多事或江夏之無雙匹洛陽之才子  
訪羽儀於廊廟旌秀異於杞梓引強學之三端  
賞彫文於四始顧惚侗於罕志奉朝章於信次  
天鳳舉而張旃濟龍沙而通賚敏異季札之聽



歌譽棄屬國之爵使懷蘇子之抵掌憶千秋之  
畫地願自勵而飲水揆無庸而案轡嗟負恩之  
無力每若寘於藂棘條辭東平之樂善再踐承  
明而游息豈異千里之奔蹏寧辭一錢之不直  
諒無期於鴻漸念有似於蜚翼荷德澤之霑然  
鑒丹愚之匪飾慙借譽於瑟柱免長徃於葱極  
聊暇日以須臾每長吟以鬱紆異金石之能固  
若草木之分區進學慚於枝葉綿力謝於康衢  
構伯休之蓬戶狎仲憲之桑樞徒悅水而非智

庶因谷以爲愚耻矯名於周客寧濫響於齊竿  
永標邇以體仰願太素之不汚

雲堂賦

覽黃圖之棟宇規紫宸於太清何面勢之膠葛  
信不日之經營仰一時之壯麗踴萬古之威靈  
吐觸石之奇色混高臺之舊名若乃三階八戶  
百拱千楹瑩以玉琇飾以金英綠芰懸挿紅蕖  
倒生於時木葉聲寒壺人唱靜水露擎虛相風  
照迥天子乃下輦開宴出豫娛神文縣日月思  
華風塵寔附鳳之多幸懼屠龍之不真

貞女峽賦

倦辛若於嶺表遂沉淪於海外迹飄飄於轉蓬  
情繚繞於懸旆駭茲峽之殄怪佇奇峰而矚臨  
或邈迤而四成乍巖隗而五曲含照曜之燭銀  
滌潺湲之膏玉山蒼蒼以墜葉樹索索而搖枝  
澄碧源之見底聳翠壁以臨危

勞酒賦

在陽春之仲序覽具物之芳菲帥公卿而播百  
穀親耒耜而命三推開青壇於廻甸列翠幕於  
清沂乃遵執爵之典爰降食苹之讌豁朱鳥之  
高牕啓黃龍之抗殿奏帝鴻之萬舞動鈞天之  
九變傾曲私之亭育遞寒暑而徂遷謬陳力而  
策駘豈酬恩於暮年

山水納袍賦

有引

皇儲監國餘辰勞謙終宴有令以納袍降賜何以奉揚恩德因題此賦

濫時來之寵沐振長纓以祗肅奉性與之文章  
侍相娛之絲竹解女蘿之山帶佩流霞之羽服  
裁縫則萬壑縈體鍼縷則千巘映目圖島嶼之  
削成寫淪漣之徑復埒符采於雕煥竝芬芳於  
蘭菊憫四選之徂遷軫百慮之迴遭霜飛空而  
浸霧鴈照月而猜弦聽風鐘之易近對水霑之

疎懸若董衣之百結同衛服之十年嗟斑鬢之  
已颯愧冷袖之爲妍謝銜珠之有報荷隙簞之  
無捐

華貂賦 有序

領軍新安殿下以副貂垂錫仰銘恩澤謹題小賦

貴豐貂於挹婁飾惠文而見求標侍臣之密設  
曜毛采之溫柔拜文槐而影度陪武帳而香浮  
隨玉珩之近遠共金璫之去留仰太山之千仞  
開谷中之鄙公撤君子之寶飾榮小人之蓬鬢  
獲置醴之殊私誇賜田之薄潤顧朽拙之微躬  
早遊藝而不工逢河間之好古自隗始而恩隆



諒維鵠之有媿庶懷昔而克終

瑪瑙盃賦

翠羽流霞之杯諒無聞於瑋麗豈匹此之奇瓌  
爰覩殊特臻自西國狀驚鶴之點漬似遊龍之  
割刻士衡譬之雲采中郎羞其馬勒於時比園  
清夏東閣浮涼山交枝而影襍水沉葉而流香  
蟬無風而引短鷺出迥而飛長副君海濔岳峙  
紙落金鏘獲阿宗之美寶命河朔之名觴寶出  
崑崙之仙臯觴卽玄洲之玉酒酒既醉而還年  
盃稍酌而延壽仰天縱之體物銘歌噐兮何有

南越木槿賦

日及多名經賓肇生東方記乎夕死郭璞贊以  
朝榮潘文體其夏盛稽賦憫其秋零此則京華  
之麗木非于越之舜英南中斬草衆花之寶雅  
什未名騷人失藻雨來翠潤露歇紅燥疊萼疑  
繁低莖若倒朝霞映日姝未妍珊瑚照水定非  
鮮千葉芙蓉詎相似百枝燈花復羞燃暫欲寄  
根對滄海大願移華厠綺錢井上桃蟲難可雜  
庭中桂蠹豈見憐乃爲歌曰啼妝梁冀婦紅妝

蕩子家若持花竝笑宜笑不勝花趙女垂金珥  
燕姬插寶珰誰知紅槿艷無因寄狹邪徒令萬  
里道攀折自咨嗟

樂府

雉子斑

麥隴新秋來澤雉屢裴徊依花似恹妬拂草乍  
驚媒三春桃照李二月柳爭梅暫住如臯路當  
令巧笑開

隴頭水二首

隴頭萬里外天涯四面絕人將蓬共轉水與啼  
俱咽驚湍自湧沸古樹多摧折傳聞博望侯若  
辛提漢節

霧暗山中日風驚隴上秋徒傷幽咽響不見東  
西流無期從此別更度幾年幽遙聞玉關道望  
入杳悠悠

折楊柳

萬里音塵絕千條楊柳結不悟倡園花遙同羗  
嶺雪春心自浩蕩春樹聊攀折共此依依情無  
柰年年別

關山月

兔月半輪明孤關一路平無期從此別復欲幾

年行映光書漢奏分影照胡兵流落今如此長  
成受降城

洛陽道二首

德陽穿洛水伊闕邇河橋仙舟李膺棹小馬王  
戎鑣杏堂歌吹合槐路風塵饒綠珠含淚舞孫  
秀彊相邀

小平路

一作  
臨

四達長楸聽五鐘玉節迎司隸錦

車歸濯龍弦歌聲不息環珮響相從花障蕩舟  
笑日映下山逢

長安道

翠蓋乘輕霧金羈照落暉  
五侯新拜罷七貴早朝歸  
蟲蟲紫陌上藹藹紅塵飛  
日暮延平客風花拂舞衣

梅花落二首

縹色動風香羅生枝已長  
妖姬墜馬髻未插江南  
瑞轉袖花紛落春衣共有芳羞作秋胡婦獨採城南桑

胡地少春來三年驚落梅  
偏疑粉蝶散乍似



花開可憐香氣歇可惜風相摧金鏡且莫韻玉  
箇幸裴徊

紫駟馬

春草正淒淒蕩婦出空閨識是東方騎猶帶北  
風嘶揚鞭向柳市細蹀上金堤願君憐纖素殘  
妝尚有啼

驄馬驅

長城兵氣寒飲馬詎爲難暫解青絲轡行歇縷  
繡鞍白登圍轉急黃河凍不乾萬里朝飛電論

功易走丸

雨雪曲

兩雪隔榆溪從軍度隴西  
遶障看狐迹依山見  
馬蹄天寒旗彩壞地暗鼓聲低  
漫漫愁雲起蒼  
蒼別路迷

劉生

劉生負意氣長嘯且裴徊

一作  
辭

論明秋水命

賞陟春臺干戈倥用筆硯縱橫  
才置驛無年  
限遊俠四方來

病婦行

窈窕懷貞室風流挾琴婦唯將角枕卧自影啼  
妝久羞開翡翠帷嬾對蒲萄酒深悲在縑素託  
意忘箕箒夫婿府中趨誰能大垂手

置酒高殿上

三清傳旨酒柏梁奉歡宴霜寒動玉葉凍水疎  
金箭羽箭響鐘石流泉灌金殿盛時不再得光  
景馳如電

今日樂相樂

綺殿文雅適玳筵歡趣密鄭態逶迤舞齊絃窈  
窕瑟金壘送縹觴玉井沉朱實願此北堂宴長  
奉南山日

簫史曲

弄玉秦家女簫史仙處童來時兔月滿去後鳳  
樓空密笑開還歛浮聲咽更通相期紅粉色飛  
向紫烟中

詠燕燕于飛應詔

二月春暉暉雙燕理毛衣銜花弄蘿靡拂葉隱

芳菲或在堂間戲多從幕上飛若作仙人屐終  
向日南歸

濟黃河

六朝聲偶作  
柳傾言者非

葱山淪外域鹽澤隱遐方兩源分際遠九道派  
流長未殫所聞見無待驗詞章留連嗟太史惆  
悵踐黎陽導波縈地節一作脉疏氣耿天潢憫周  
沈用寶嘉晉肇爲梁

橫吹曲

簫聲鳳臺曲洞吹龍鍾管鏜鏜漁陽摻怨抑胡

卷之一  
五  
殆斷

怨詩二首

以下  
七言

採桑歸路河流深  
憶昔相期柏樹林  
柰許新繚傷妾意  
無由故劍動君心

新悔嫩柳未障羞  
情去恩移那可留  
團扇篋中

言不分

拾遺  
作盡

纖腰掌上詎勝愁

烏棲曲

槿花春水木蘭橈  
金羈翠蓋聚河橋  
隴西上計應行去  
城南美人啼著曙

東飛伯勞歌

一作解  
古歌

南飛烏鵲北飛鴻  
弄玉蘭香時會同  
誰家可憐出牕牖  
春心百媚勝楊柳  
銀牀金屋挂流蘇  
寶鏡玉釵橫珊瑚  
年時二八新紅臉  
宜笑宜歌羞更斂  
風花一去杳不歸  
祇爲無雙惜舞衣

櫟曲三首

行行春遲蘼蕪綠  
纖素那復解琴心  
乍慙南階悲綠草  
誰堪東陌怨黃金  
紅顏素月俱三五  
夫婿何在  
今追虜關山隴  
月春雪冰深  
一作誰見人

啼花照戶

殿內一處起金房併

玉帝作使

勝餘人白玉堂珊瑚

挂鏡臨網戶芙蓉作帳照雕梁房櫳宛轉垂翠

幕佳麗逶迤隱珠箔風前花管颺難留舞處花

鈿低不落陽臺通夢太非真洛浦凌波復不新

曲中唯聞張女調

一作曲

定有同姓可憐人但願

私情賜斜領不願傷人相比竝妾門逢春自可

榮君面未秋何意冷

泰山言應可轉移新寵不信更參差合懼錦帶



爲鴛鴦同心綺袖連理枝皎皎新秋明月開  
露飛螢暗裏來鯨燈落花殊未盡虬水銀箭莫  
相催非是神女期河漢別有仙姬入吹臺未眠  
解著同心結欲醉那堪連理杯後宮不慙茱萸  
芳夜夜爭開蘇合房寶釵翠鬢還相似朱脣玉  
面非一行新人未語言如澀新寵無前判不臧  
願奉更衣蘭麝氣恐君馬到自驚香

傷花落

文苑黃華作徐陵今從玉  
臺樂府作江總下篇同

臘月正月早驚春衆花未發梅花新可憐芬芳

臨玉臺朝攀晚折還復開長安少年多輕薄兩  
兩共唱梅花落滿酌金卮催玉柱落梅樹下宜  
歌舞金谷萬株連綺甍梅花客處藏嬌鶯桃李  
佳人欲相照摘葉一作葉牽花來竝笑楊柳條青  
樓上輕撿花色白雪中明橫笛短簫奏復切誰  
知拍梁聲不絕

宛轉歌

七夕天河白露明八月灕水秋風驚樓中恒聞  
哀響曲塘上復有辛若行不解何意悲秋氣直

置無秋悲自生不怨前階促織鳴偏愁別路擡  
衣聲別燕差池自有返離蟬寂寞詎含情雲聚  
恨清四望臺月冷相思九重觀欲題芍藥詩不  
成來採芙蓉花已散金樽送曲韓娥起玉柱調  
絃楚妃歎翠眉結恨不復開寶鬢迎秋度前亂  
湘妃拭淚灑貞筠莢藥浣衣何處人步步香飛  
金蒲屐盈盈扇掩珊瑚脣已言採桑期陌上復  
能解佩就江濱競入華堂耍花枕爭開羽帳奉  
華茵不惜獨眠前下釣欲許便作後來薪後來

冥冥同玉牀可憐顏色無比方誰能巧笑特窺  
井乍取新聲學繞梁宿處留嬌隋黃珥鏡前含  
笑弄明璫惹施摘心心不盡葉萸折葉葉更芳  
已聞能歌洞簫賦詎是故愛邯鄲倡

聞怨篇

寂寂青樓大道邊紛紛白雪綺牕前池上鴛鴦  
不獨自帳中蘇合還空然屏風有意障明月燈  
火無情照獨眠遼西水凍春應少薊北鴻來路  
幾千願君關山及早度念妾桃李片時妍

文

蜘蛛作絲滿帳中芳草結葉當行路紅臉脈脈  
一生啼黃鳥飛飛有時度故人雖故昔經新新  
人雖新復應故人雖新復應故人

姬人怨

天寒海水慣相知空牀明月不相宜庭中芳桂  
憔悴葉井上疎桐零落枝寒燂作花羞夜短霜  
鴈多情恒結伴非爲隴水望秦川直置思君腸  
自斷

姬人怨服散篇

薄命夫婿好神仙逆愁高飛同紫烟金丹欲成  
猶百練玉酒新熟幾千年妾家邯鄲好輕薄特  
忿仙童一丸藥自悲行處綠苔生何悟啼多紅  
粉落莫輕小婦狎春風羅襪也得步河宮雲車  
欲駕應相待羽衣未去幸須同不學簫史還樓  
上會逐姮娥戲月中

長相思二首

雜言

長相思久離別征夫去遠芳音滅湘水深隴頭

咽紅羅斗帳裏絲綺清絃絕透迤百尺縷愁思  
三秋結

長相思久別離春風送燕入簷窺暗開脂粉弄  
花枝紅樓千愁色玉筍兩行垂心心不相照望  
望何由知

江令君集卷之二

陳濟南江攄攄持著

明閩漳張燮紹和纂

詩

秋日侍宴斐苑湖應詔

以下  
五言

翠渚還鑾輅  
瑤池命羽觴  
千門響雲趾  
四澤動  
榮光玉軸昆  
池浪金舟太  
液張虹旗  
照島嶼  
鳳蓋繞林塘  
野靜重陰濶  
淮秋水氣涼  
霧開樓闕  
近日迴烟波  
長洛宴諒斯  
在鎬飲詎能  
方朽劣



以榮進籍易奉周行

侍宴玄武觀

詰曉三春暮新雨百花朝  
星宮移渡罕天駟動  
行鑣旆轉蒼龍闕塵飛飲馬橋  
翠觀迎斜照丹樓望落潮  
鳥聲雲裏出樹影浪中搖  
歌吟奉天詠未必待聞韶

宴樂脩堂應令

肅城通甲觀承華啓畫堂  
北宮降恩賞西園度羽觴  
殊私奉玉裕終宴在金房  
庭暉連樹彩簾

影接雲光仙如伊水駕樂似洞庭張彈絲命琴  
瑟吹竹動笙簧庸疎濫應阮哀朽惡連章

三日侍宴宣遊堂曲水

上巳娛春袂芳辰喜月離北宮命簫鼓南館列  
旌麾繡柱擎飛閣雕軒傷曲池醉魚沉遠岫浮  
棗漾清漪落花懸度影飛絮不礙枝樹動丹樓  
出山斜翠磴危禮周羽爵通樂闕光陰移

秋日遊昆明池

靈沼蕭條望遊人意緒多終南雲影落渭北雨

聲過蟬噪金隄柳驚飲石鯨波珠來照似月織  
成河此時一作臨水歎非復採蓮歌

薛道衡秋日遊昆明池附

瀾陵因靜退靈沼暫徘徊新船木蘭楫舊宇  
豫章材荷心宜露泣竹徑重風來魚潛疑刻  
日沙暗似沉矢琴逢鶴欲舞酒遇菊花開羈心  
與秋興陶然寄一杯

元行恭秋日遊昆明池附

旅客傷羈遠樽酒慰登臨池鯨隱舊石畔菊

聚新金陣低雲色近行高鴈影深欹荷瀉圓  
露卧柳橫清陰衣共秋風冷心學古灰沉還  
似無人處幽蘭入雅琴

秋日登廣州城南樓

秋城韻晚笛危榭引清凄

一作風

遠氣疑埋劒驚

禽似避弓游樹一邊出山雲四面通野火初煙  
細新月半輪空塞外離群客顏鬢早如蓬徒懷  
建鄴水復想洛陽宮不及孤飛鴈獨在上林中

贈沈馬袁朗別

賈誼登朝日終軍對奏年校文升廣內撫劍入  
崇賢奇才殊艷逸將別更留連驅車命銳管拱  
坐面林泉池寒稍下鴈木落又無蟬露浸山扉  
月霜開石路烟高談無與慰遲爾報華篇

贈孔中丞真

我行五嶺表離鄉二十年聞鶯欲動詠披霧即  
依然疇昔同寮客今隨年代改借問藏書處唯  
君故人在故人名宦高霜簡肅權豪誰知懷九  
歎徒然泣二毛步出東郊望心游江海上遇物

便今古何爲不惆悵初晴原野開宿雨潤條枚  
暮夜曙後發一鳥霧中來淹留蘭蕙苑吟嘯芳  
菲晚忘懷靜躁間自覺風塵遠白社聊可依青  
山乍採薇鍾牙乃得性語默豈同歸

贈賀左丞蕭舍人

輶軒通八表旌節驚三秦聽歌酬敏對繼好佇  
行人賀生思沉鬱蕭弟學紛綸共有筆端譽皆  
爲席上珍離群徒悄悄征旅日駢駢黃河分太  
史一曲悲千里海內平生親中朝流寓士痛哉

卷之二  
四  
閭梁祚于焉三十祀鍾儀繫不歸盛憲悲何已  
隴頭心斷絕爾爲我生死回首望長安猶知蜀  
道難函關分地軸華嶽接天壇行旌方境逝去  
棹艤江干蘆花霜外白楓葉水前丹翔鷗方怯  
凍落鴈不勝彈輝輝盛王道時務嬰疲老九流  
倦耳目十年變懷抱何以敦岐路凄然綴辭藻  
江南有桂枝寒北無萱草斗酒未爲別垂堂深  
自保

遇長安使寄裴尚書

傳聞合浦葉遠向洛陽飛北風尚嘶馬南冠獨  
不歸去雲日徒送離琴手自揮秋蓬失處所春  
草屢芳菲太息關山月風塵客子衣

別南海賓化侯

石閣通蘧井蕭淵邈靈洲此地何逢賢群英逐  
遠遊高才表彥伯令譽許文休悠焉值君子復  
此映芳猷嶠兩多險澁星瑄壯環周分岐泣世  
道念別傷邊秋斷山時結霧南海若無流驚鷺  
一群起哀猿數處愁是日送歸客爲情自可求



終謝能鳴鴈還同不繫舟其如江海濱惆悵徒  
離憂

庚寅年二月十二日遊虎丘山精舍

縱掉憐廻曲尋山靜見聞每從芳杜性須與俗  
人今貝塔涵流動花臺偏領芬蒙龍山簷桂散  
漫繞牕雲情幽豈徇物志遠易驚群何由狎魚  
鳥不願屈玄纁

入龍丘巖精舍

法堂猶集鴈仙竹幾成龍聊承丹桂馥遠視白

雲峰風牕穿石竇月牕攜霜松踏谷留征鳥空  
林徹夜鍾陰崖未辨色疊樹豈知重瀝此衰時  
命吁嗟世不容無由訪詹尹何去復何從

明慶寺

十五詩書日六十軒冕年名山極歷覽勝地殊  
留連幽崖聳絕壁洞穴瀉飛泉金河知證果石  
室乃安禪夜梵聞三界朝香徹九天山階步皎  
月澗戶聽涼蟬市朝霜草露淮海作桑田何言  
望鍾嶺更復切秦川

入攝山棲霞寺

有序

壬寅年十月十八日入攝山栖霞寺祭听極  
峭頗暢懷抱至德元年癸卯十月二十六日  
又再遊此寺布法司施菩薩戒甲辰年十月  
二十五日奉送金像還山限以時務不得恣  
情淹留乙巳年十一月十六日更獲拜禮仍  
停山中宿永夜留連棲神悚聽但交臂不停  
薪指俄謝率製此篇以記即日俾後來賞者  
知余由志

淨心抱冰雪暮齒過桑榆太息波川迅悲哉人  
世徇歲華皆採穫冬晚共嚴枯濯流濟八水開  
襟入四衢茲山靈妙合常與天地俱石瀨乍深  
淺崖煙遞有無缺碑橫古隧盤木卧荒塗行行  
簡屨歷步步憐一作憐威紆高僧迹共遠勝地心  
相符樵隱各有得丹青獨不渝寺猶有朗詮二  
師居士明僧紹  
中蕭郎  
懸像圖遺風佇芳桂比德喻生芻寄言長往  
客悽然傷鄙夫

陳後主同江僕射遊攝山棲霞寺附

時宰礪溪心非關狎竹林驚嶽青松繞鷄峰  
白日沉天迥浮雲細山空明月深摧殘枯樹  
影零落古藤陰霜村夜烏去風路寒猿吟自  
悲堪出俗詎是欲抽簪

遊攝山棲霞寺

有序

禎明元年太歲丁未四月十九日癸亥入攝  
山展慧布法師憶謝靈運集還故山入石壁  
中尋雲隆道人有詩一首十一韻今此拙作  
仍學康樂之體

霖霖時雨霽清和。孟夏肇樓閣。綠野中丞頓。卅  
霞杪敬仰高人德。抗志塵物表。三空豁已悟。萬  
有一何小。始從情所寄。冥期諒不少。荷衣步林  
泉。麥氣涼昏曉。乘風面冷冷。候月臨皎皎。烟崖  
憩古石。雲路排征鳥。披逕憐森沉。攀條惜杳裊。  
平生忘是非。朽謝豈矜矯。五淨自此涉。六塵庶  
無擾。

攝山棲霞寺山房夜坐簡徐祭酒周尚書  
并同遊群彥

澡身事珠戒非是學金丹月磴時橫枕雲崖宿  
解鞍梵宇調心易禪庭數息難石澗水流靜山  
廳葉去寒君思北闕駕我惜東都冠翻愁夜鐘  
盡同志不盤桓

徐孝克仰同令君攝山棲霞寺山房夜

坐六韻附

戒壇青石路靈相紫金峰影盡皈依鵠餐迎  
守護龍晨朝宣寶偈寒夜歛疎鐘鷄蘭靜舍  
握仁智獨從容五禪清慮表七覺蕩心封願

言於此處携手愿相逢

靜卧棲霞寺房望徐祭酒

絕俗俗無侶修心心自齋連岷夕氣合虛宇宿  
雲雷因藤新接戶欹石久成階樹聲非有意禽  
戲似忘懷故人市朝狎心期林壑垂唯憐對芳  
杜可以爲吾儕

徐孝克仰和令君附

上宰明四空迴車入道中洞涼客麥氣蠟光  
對月宮香來詎經火花散不隨風澗松無異



聒禪桂兩分叢虛薄誠爲累何因偶會同  
此垂山北猶可向墻東

營涅槃懺還塗作

有序

禪明二年仲冬攝山棲霞寺布法師只爾待  
終余以此月十七日宿昔入山仰爲師氏營  
涅槃懺還塗有此作

可否同一貫生死亦一條况期滅盡者豈是俗  
中妄人道離群愴冥期出世遙留連入澗曲宿  
昔陟巘椒石溜冰便斷松霜日自銷向崖雲鬢

飄出谷霧飄飄勿言無大隱歸來即市朝

至德二年十一月十二日升德施山齋三

宿決定罪福懺悔詩

四知無矯志二施啓幽心簡通避人物偃息還  
山林曲澗停騶繚交枝落幔陰池臺聚凍雪欄  
牖噪歸禽石彩無新故峰形詎古今大車何杳  
杳奔馬遂駸駸何以修六念虔誠在一音未泛  
慈舟遠徒令願海深

詠採井露應詔

法合集卷之二  
祥露曉氛氲上林朝晃朗千行珠樹出萬葉瓊  
枝長徐輪動仙駕清宴留神賞丹水波濤汎黃  
山烟霧上風亭翠旆開雲殿朱絃響徒知恩禮  
洽自憐名實爽

借劉太常說文

劉棻慕子雲許慎詢景伯碩學該蟲篆奇文秀  
鳥跡曰余徒下帷待問垂重席不詣王充市聊  
投班玩籍三寫徧鑽研六書多補益幽居服藥  
餌山宇生虛白留連嗣芳杜曠蕩依泉石夫君

愛蒲堂續言馳下澤

賦得一日成三賦應令

胡君犀賞適清夜北園遊下筆成三賦傳觴對  
九秋飛文綺縠采落紙波濤流樹密寒蟬響簷  
暗雀聲愁絲澈明層殿青山照近樓此時盛禮  
物顧省良若拙

攝官梁小廟

梁有小廟太祖太夫人廟也非嫡故別  
立廟侯景寇建鄴詔以總權兼太常卿  
時小廟

疇昔遊依所今日薦櫻時憲章誠有華歲月遂  
難思故人獨之子宮聯更在茲虛簷靜暮雀洞  
戶映光絲平生復能幾語事必傷悲

卞山楚廟

蘋藻祈明德倚棹息岩阿忽聽晨鷄曙非復楚  
宮歌閒階雉宿薺古木斷懸蘿帷堂寂易晚桴  
鼓自相和盛祀流百世英威定幾何

山庭春日

沐山庭作休

洗沐惟五日棲遲在對

一作對

一丘古植橫近澗危

石簫前洲岸綠開河柳池紅照海榴野花寧待  
晚山蟲詎識秋人生復能幾夜燭非長游

七夕

六朝聲偶作  
解韻言者非

漢曲天榆冷河邊月桂秋婉孌期今夕飄飄渡  
淺流輪隨列宿動作路逐彩雲浮橫波翻瀉  
淚東素女織愁此時機杼息獨向紅粧羞

南還尋草市宅

紅顏辭輦洛白首入輶轅乘春行故里徐步采  
芳蓀逕毀悲求仲林殘憶巨源見桐猶識井看

柳尚知門花落空難遍鶯啼靜易諠無人訪語  
默何處敘寒溫百年獨如此傷心豈復論

和張記室源傷往

一作傷  
作人

小婦當壚夜夫壻凱歸年正歌千里曲翻入九  
重泉機中未斷素瑟上本留絃空帳臨牕掩孤  
燈向壁然還悲寒隴曙松短未生煙

在陳旦解醒共哭顧舍人

一作傷  
顧野王

獨酌一樽酒高詠七哀詩何言蒿里別非復竹  
林期堦荒鄭公草戶閒董生帷人隨暮

一作  
朝 槿

落客共晚鶯悲年髮滿如此傷心詎獨一作幾時

侍宴臨芳殿六朝聲偶作柳傾言者非

鍾箭自一作徘徊皇堂薦羽杯橋平疑水落石

迴見山間林前暝色靜花處近香來西豔傷撫

夕比閣濫游陪

侍宴瑤泉殿

水亭通粉諸石路接堂皇野花不識采旅竹本

無行雀驚疑欲曙蟬噪似含涼何言金殿側亟

奉瑤池觴



別袁昌州二首

河梁望隴頭分手路悠悠  
徂年若驚電別日欲  
成秋黃鵠飛飛遠青山去去愁  
不言雲雨散更似東西流

客子歎途窮此別異西東  
關山嗟墜葉岐路憫  
征蓬別鶴聲聲遠愁雲處處同

經始興廣果寺題愷法師山房

息舟候香埠悵別在寒林  
竹近交枝亂山長絕  
逕深輕飛入定影落照有疎陰  
不見投雲狀空

留折桂心

和衡陽殿下高樓看妓

起樓侵碧漢初日照紅妝絃心艷卓女曲誤動  
周郎竝歌時轉黛息舞暫分香挂纓銀燭下莫  
笑玉釵長

賦得空閨怨

蕩妻怨獨守盧姬傷獨居瑟上調絃落機中織  
素餘自羞淚無燥翻覺夢成虛復嗟長信閣寂  
寂往來疎

并州羊腸坂

三春別帝鄉五月度羊腸  
本畏車輪折翻嗟馬  
骨傷驚風起朔鴈落照盡胡桑  
關山定何許徒  
御慘悲涼

歲暮還宅

怏然想泉石驅駕出城臺  
翫竹春前筍驚花雪  
後梅青山殊可對黃卷復時開  
長繩豈繫日濁  
酒傾一杯

春夜山庭

春夜芳時晚幽庭野氣深山疑刻削意樹接縱  
橫陰戶對忘憂草池驚旅浴禽樽中良得性物  
外知余心

夏日還山庭

獨於幽棲地山庭暗女蘿澗清長低篠池開半  
卷荷野花朝暝落盤根歲月多停樽無賞慰狎  
鳥自經過

賦得謁帝承明廬

霧開仁壽殿雲繞承明廬輪停紆憶引馬度紅

塵餘香貂拜黻衮花綬拂玄除謁帝升清漢何  
殊入紫虛

賦得携手上河梁應詔

早秋天氣涼分手關山長雲愁數處黑木落幾  
枝黃鳥歸猶識路流去不知鄉秦川心斷絕何  
悟是河梁

賦得汎汎水中鳬

歸鳬沸卉同亂下芳塘中出沒時銜藻飛鳴忽  
颺風浮深或不息戲廣若乘空春鸚徒有賦還

笑在金籠

賦得三五明月滿

三五兔輝成浮陰冷復輕  
隻輪非戰反團扇少  
歌聲雲前來往色水上動搖明  
况復高樓照何  
嗟攬不盈

衡州九日

秋日正淒淒  
茅茨復蕭瑟  
姬人薦初醞  
幼子問  
殘疾  
園菊抱黃華  
庭榴割珠實  
聊以著書情  
暫  
遣他鄉口

賦詠得琴

可憐嶧陽木雕爲綠綺琴田文垂睫淚卓女弄  
絃心戲鶴聞應舞游魚聽不沉楚妃幸勿歎此  
異丘中吟一作音

詠雙關

象關連馳道天

一作月

宇照方疏刻鳳棲清漢圖

龍入紫虛屢逢膏露灑幾遇祥烟初競言百尺  
麗寧方萬丈餘

三善殿夜望山燈

六朝聲調作柳顧言者非

不之疑吐夜四照似含春  
的的連星出亭亭向  
月新採珠非合浦贈珮異江濱  
若任扶桑路堪  
並日輪

奉和東宮經故妃舊殿

故殿看看冷空階步步悲  
猶憶窺牖處還如解  
佩時苔生無意早燕入有言遲  
若令歸就月照  
見不須疑

同庾信

谷林法師

藝文作周弘正非

客行七十歲歲暮遠徂征  
塞雲凝不解隴水凍



無聲君看日遠近爲村長安城

詠李

嘉樹春風早春風花落新但見成蹊處幾得正  
冠人當知露井側復與天桃鄰

詠蟬

白露涼風吹朱明落照移鳴條噪林柳流響遍  
臺池村聲如易得尋忽却難知

答王筠早朝守建陽門開

金兔猶懸魄銅龍欲啓扉三條息行火百雉照

初暉御溝槐影出仙掌露光晞

關

侍宴賦得起坐彈鳴琴

絲傳囀客意曲奏楚妃情罕有知音者空勞流水聲

別永新侯

詩彙作張  
正見者非

送君張掖郡分悲函谷關欲知腸斷絕浮雲去  
不還

春日

水苔宜溜色山櫻助落暉浴鳥沉還戲飄花度

不歸

於長安歸還揚州九月九日行薇山亭賦

韻

心逐南雲逝形隨北鴈來故鄉籬下菊今日幾

花開

一作長安九日詩曰心逐南雲去身隨北鴈來故園籬下菊今日爲誰開

哭魯廣達

南史曰廣達陳之良將也至德二年爲侍中中領軍賀若弼進軍鍾山廣達力戰及韓擒虎乘勝破宮城廣德被執入隋以愼微卒江總撫柩慟哭題其棺曰

黃泉雖抱恨白日自留名悲君感義死不作負

恩生

秋日新寵美人應令

以下  
七言

後宮唯聞莫瓊樹絕世復有宋容華皆自爭名  
進女弟定覺雙飛勝蕩家願並迎春比翼燕常  
作照日同心花聞道艷歌時易調忖許新恩那  
久要翠眉未滿自生愁玉臉含啼還似笑角枕  
千嬌薦芬香若使琴心一曲奏幽蘭度曲不可  
終陽臺夢裏自應通秋樹相思一枝綠爲插賤  
妾兩鬟中

新入姬人應令

洛浦流風漾淇水秦樓初日度陽臺玉軼輕輪  
五香散金燵夜火百花開非是妖姬度江日定  
言神女隔河來來時向月別姬娥別時清吹悲  
簫史數錢拾翠爭佳麗拂紅點黛何相似本持  
纖腰惑楚宮暫迴舞袖驚吳市新入羽幘挂流  
蘇故人網戶織蜘蛛梅花柳色春難遍情來春  
去在須臾不用庭中賦綠草但願思著弄明珠

內殿賦新詩

兔影脉脉照金鋪  
虬水滴滴瀉玉壺  
綺翼雕甍通清漢  
虹梁紫一作桂麗黃圖  
風高暗綠凋殘  
柳雨駛芳紅濕  
晚笑三五二八佳  
年少百萬千金買  
歌笑偏著故人織  
素詩願奏秦聲采  
蓮調織女今夕渡  
銀河當見新秋停  
玉梭